

文章辨體外集

文章辨體卷之四

外集

海虞後學吳訥編集

絕句

五言

夜送趙縱

唐楊炯

趙氏連城壁由來天下傳送君還舊府明月滿前川

晉安建陰題壁

王子安

江漢深無極梁岷不可攀山川雲霧裏遊子幾時還

臨江

汎汎東流水飛飛北上塵歸縣好知所只是倦遊人

贈李十四

亂竹開三徑飛花滿四隣從來揚子宅別有尚玄人

詠初月

駱賓王

思滿光恒缺。乘昏影暫流。自能明似鏡。何用曲如鉤。

在軍登城樓

城上風威冷。江中水氣寒。戎衣何日定。歌舞入長安。

途中寒食

宋延清

馬上逢寒食。途中屬暮春。可憐江浦望。不見洛橋人。

別杜審言

卧病人事絕。嗟君萬里行。河橋不相送。江樹遠含情。

雜詩

王摩詰

家住孟津河。門對孟津口。常有江南船。寄書家中否。

君自故鄉來。應知故鄉事。來日綺窗前。寒梅著花未。

別輞川別業

王夏卿

山月曉仍在。林風涼不絕。殷勤如有情。惆悵令人別。

長安道

儲光羲

西行一千里暝色生寒樹暗聞歌吹聲知是長安路

春曉

孟浩然

春眠不覺曉處處聞啼鳥夜來風雨聲花落知多少

古意

崔國輔

淨掃黃金階飛霜厚如雪下簾彈箏篴不忍見秋日

見渭水思秦川

岑參

渭水東流去何時到雍州憑添兩行淚寄向故園流

絕句

杜子美

日出籬東水雲生合北泥竹高鳴翡翠沙解舞鴟鷂
鵲鵲花葉亂飛飛蜂蝶多幽棲身懶動客主欲如何
鑿井交機葉開渠斷竹根扁舟輕舫小逕曲通村
急雨拍溪足斜暉轉樹腰隔巢黃鳥並翻藻白魚跳
舍下筒穿壁庭中藤刺簷地晴絲冉冉江白草纖纖

江動月移石溪虛雲傍花鳥棲知故道就過宿誰家
遲日江山麗春風苑草香泥融飛燕子沙暖睡鴛鴦
江碧鳥逾白山青花欲然今春又過何日是歸年

武侯廟

遺廟丹青落空山草木長猶聞騎後主不復助南陽

八陣圖

功蓋三分國名成八陣圖江流石不轉遺恨失吞吳

對雪獻從兄虞城宰

李太白

昨夜梁園裏寒兄不知庭前看玉樹腸斷憶連枝

答友人贈烏紗帽

領得烏紗帽全勝白接陂山人不照鏡稚子道相宜

長信宮

劉方平

夢裏君王近宮中河漢高秋風能再熱團扇不辭勞

送王司直

皇甫李堂

西塞雲山遠東風道路長人心勝潮水相送過潯陽

逢雪宿芙蓉山

劉文房

日暮蒼山遠天寒白屋貧柴門聞犬吠風雪夜歸人

秋夜寄丘二十二員外

韋應物

懷君屬秋夜散步詠涼天山空松子落幽人應未眠

同張子秋齋獨宿

山月皎如燭霜風時動竹夜半鳥驚栖窻間人獨宿

贈別司空曙

盧允言

有月曾同賞無秋不共悲如何與君別又是菊花時

秋夜

耿漳

高秋夜分後遠客鴈來時寂寂重門掩無人問所思

行無題

錢仲文

斗轉月未落，舟行夜已深。
有村知不遠，風便數聲砧。

詠花與衛家同醉

司空文明

衰髮千莖雪，他鄉一樹花。
今朝與君醉，忘却在長沙。

送人下第

李端

獻策未得意，驅車東出秦。
暮年千里客，落日萬家春。

登樓

楊嵩

迥臨飛鳥上，高出世人間。
天勢圍平野，河流入斷山。

贈李唐山人

戴幼公

此意靜無事，閑門風景遲。
柳條將白髮，相對共垂絲。

惜春

李君虞

畏老身全老，逢春解惜春。
今年看花伴，已比去年人。

夏曰作

武伯蒼

夜久喧暫息，他臺惟月明。
無因駐清景，日出事還生。

江雪
千山鳥飛絕，萬徑人蹤滅。孤舟蓑笠翁，獨釣寒江雪。
柳子厚

新嫁娘
主仲初

三日入厨下，洗手作羹湯。未諳姑食性，先遣小姑嘗。

秋風
劉夢得

何處秋風至，蕭蕭送鴈群。朝來入高樹，孤客最先聞。

松江夜泊
宋鮑當

舟閒人已息，林際月微明。一片清江水中涵，萬古情。

江上漁者
范仲淹

江上往來人，但愛鱸魚美。不着一葉舟，出沒風波裏。

袁山
歐陽永叔

山色無遠近，看山終日行。峯迴隨處改，行客不知名。

夏夜小亭有懷
梅聖俞

西南雨氣濃林上昏月無寒影不隨人寥寥空露白

遺老齋

蘇子由

久無叩門聲啄啄問何故田中有人至昨夜盈尺雨

蠶婦

張俞

昨日到城郭歸來淚滿巾遍身絳羅者非是養蠶人

和劉德明以夏雲多奇峯爲韻

朱晦庵

出山幾何時歸來便長夏端居心不怡散策長林下

爲客厭城市還家辭世紛朝昏何所見但有四山雲
閉門事幽討歲月忽已多客來無可問與君共絃歌
干時本已懶習次况亡奇若問林中趣婆娑抵自知
炎蒸不可奈雲氣滿前峰向夕風吹盡微聞遠寺鐘

春日

元劉夢吉

絲困無力欲起重悠揚芳草落花滿相思春晝長

石鼎聯句圖

玩世如一鼎姓名誰得聞仙翁應自笑知我有鄒訢

承微圖

盧處道

服藥求長年孰與孤竹子一食西山薇萬古猶不死

題江州庾樓

賀復孫

宿鳥歸未盡浮雲薄暮開淮山青數點不肯過江來

病中

薩天錫

病形如瘦鶴照影向清池自有冲霄志游魚莫見疑

古意

傅與礪

人言道路遠直傍天涯去頭上忽見天近於江南路
牽牛一水隔織女經年會咫尺關相聞何況千山西

烟波亭

洪武吳朝錫

漢水連天闊江雲護曉寒青青山一點最好倚闌看

題江岫圖

熊伯穎

雪渚水初生寒雲落鴈聲片帆天共遠南望總關情

紅梅

牛士良

隴頭人未來江南春幾許惆悵玉簫聲吹落胭脂雨

秋夜

吳友雲

中秋不見月相思情未絕倦對讀書燈風來自吹滅

寒光滿天上明月在水中照我雙塘蓮葉葉生秋風

丁未初至南京登鳳凰臺

謝原功

城上青山合江中錦浪開紛紛六朝事獨倚鳳凰臺

歎牆下草

高季迪

青牆下草經霜未枯稿雖是見春遲還免逢秋早

赴京道中逢還鄉友

我去君却歸相逢立途次欲寄故鄉言先詢上京事

聞鴈

楊孟載

天寒霜月苦人遠秋衣綻獨坐聽長更燈前一聲鴈

六言

田園樂

唐王摩詰

采菱渡頭風急策杖村西日斜杏樹壇邊漁父桃花涼裏人家
萋萋春草秋綠落落長松夏寒牛羊自歸村巷童稚不識衣冠
山下孤煙遠村天邊獨樹高原一瓢頻回西巷五柳先生對門
桃紅復含宿雨柳綠更帶朝煙花落家僮未掃烏啼山客猶眠
酌酒會臨泉水抱琴好倚長松南園露葵朝拊西舍黃梁夜春

送鄭二之茅山

皇甫茂政

水流絕澗終日草長深山暮春吠犬鳴鷄幾處條桑種杏何人

奉寄皇甫兄

張懿孫

京口情人別久揚州估客來疎朝至潯陽回去相思何處通書

尋張逸人山居

劉文房

危石纔通鳥道空，山更有人家。桃源定在深處，桐水浮來落花。

歸山

顧逋翁

心事數莖白髮生，涯一片青山空。山有雪相待，古道無人獨還。

題舒州山谷寺石牛洞

宋王介甫

水冷泠而北出，山靡靡以旁圍。欲窮源而不得，竟悵望以空歸。

獨坐

文與可

不報門前賓客已，收案上文書。獨坐水邊林下，宛如故里閑居。

登山望海

張文潛

鳥去蒼煙古木入，歸綠野孤舟信。美雖非吾土，消憂且復登樓。

鉛山立春

朱晦庵

雪擁山腰洞口春，回楚尾吳頭。欲問閩天何處，明朝嶺水南流。行盡風林雪徑，依然水館山村。却是春風有脚，今朝先到柴門。

題孤山放鶴圖

九思

西湖清且漣漪扁舟時蕩晴暉處處青山獨往翩翩白鶴迎歸
昔年曾到孤山蒼藤古木高寒想見先生風致圖畫留與人看

題江山煙雨圖

虞伯生

千村春水方生萬里歸帆如羽不知誰在層樓卧看江南煙雨

題聶空山扇

客來山雨鳴簷客去山翁醉眠花外春雲鷓鴣竹邊秋月娟娟

楊氏山莊

洪武高季迪

斜陽流水幾里啼鳥空林一家客云詩題柿葉僧來供煮藤花

陶秘書廢陵送別圖

暮雨朝生瓜步春山樹繞燕城匪俱離舟欲發江南煙寺鐘聲

七言

回鄉偶書

唐賀季真

少小離鄉老大回鄉音無改鬢毛衰兒童相見不相識笑問客從何處來

閩王昌齡在邊關

李太白

楊花落盡子規啼聞道龍標過五溪我寄愁心與明月隨風直到夜郎西

絕句

杜子美

兩箇黃鸝鳴翠柳一行白鷺上青天
吳萬里船
落月滿屋梁猶疑見顏色顏色已蒼蒼
秋雪門泊東

投簡梓州幕府兼簡韋十郎

幕府郎官安穩無從來不奉一行書不知其病關何事能使章郎跡也踈

江南逢李龜年

岐王宅裏尋常見崔九堂前幾度聞
正是江南好風景落花時

節又逢君

春夜洛城聞笛

誰家玉笛暗飛聲散入東風滿洛城此夜客中聞折柳何人
不
起故園情

寄河上段十六

王摩詰

與君相見卽相親聞道君家在孟津爲興行船試借問
洛陽人

九日憶山東兄弟

獨在異鄉爲異客每逢佳節倍思親遙知兄弟登高處遍插茱
萸少一人

送李侍郎赴常州

賈幼隣

雪晴雲散北風寒楚水吳山道路長今日送君須盡醉明朝相
憶路漫漫

送李浦之京

王少伯

故園今在灞陵西
江畔逢君醉不迷
小弟鄰莊尚漁獵
一封書寄數行啼

除夜

高適夫

旅館寒燈獨不眠
客心何事轉淒然
故鄉今夜思千里
秋髮明朝又一年

逢入京使

岑參

故園東望路漫漫
雙袖龍鍾淚不乾
馬上相逢無紙筆
憑君傳語報平安

春夢

洞房昨夜春風起
遙憶美人湘江上
一片時春夢中
行盡江南數千里

題張山人壁

張正言

世結交須黃金黃金不多交不深縱令然諾暫相許終是悠悠行路心

送魏十六還蘇州

皇甫茂政

秋夜沉沉此送君陰虫切切不堪聞孤舟明日毗陵道回首姑蘇是白雲

楓橋夜泊

張懿孫

月落烏啼霜滿天江楓漁火對愁眠姑蘇城外寒山寺夜半鐘聲到客船

送裴郎中貶古州

劉文房

猿啼客散滿江頭人自傷心水自流同作逐臣君更遠青山萬里一孤舟

滁州西澗

韋應物

獨憐幽草澗邊生上有黃鸝深處鳴春潮帶雨晚來急野渡無人

入舟自橫

九日

今朝把酒復惆悵
憶在杜陵田舍
時明年此日
知何處世難還
家未有期

村南逢病叟

盧允言

雙膝過頤頂狂肩
四鄰知姓不知年
卧駝鳥雀惜禾黍
猶恐諸孫無社錢

送齊山人

韓君平

舊事仙人白兔公
掉頭歸去又乘風
柴門流水依然在
一路寒山萬木中

歸鴈

錢仲文

瀟湘何事等閑回
水碧沙明兩岸飛
二十五絃彈夜月
不勝清怨却飛來

聽鄰家吹笙

鄭君男

鳳吹聲如隔采霞不知牆外是誰家
重門深鎖無尋處疑有碧桃花

江村卽事

司空文明

罷釣歸來不繫船江村月落正堪眠
縱然一夜風吹去只在蘆花淡水邊

湘南卽事

戴幼公

蘆橘花開楓葉森出門何處望京師
沅湘日夜東流去不爲愁人住少時

對月答元明府

山下孤城月上遲相留一醉本無期
明年此夕遊何處縱有清光知對誰

施次寄湖南張郎中

戎昱

寒江近石慢流聲竹影當窗亂月明歸夢不知湖水闊夜來還到洛陽城

山中

顧逋翁

野人自愛山中宿況是萬芳丹井西庭前有箇長松樹夜半子規來上啼

和練師索秀才楊柳

楊景山

水邊楊柳綠煙絲立馬煩君折一枝惟有東風寂相惜殷勤更向手中吹

柳洲三月修禊詩落偶題

柳子厚

宦情歸思共悽悽暮年如秋意轉送山城過雨百花盡榕葉滿庭鴛鴦啼

夏畫偶作

南川層疊碧如酒隱几熟眠開北牖日午獨覺無餘聲山草高

竹敲茶臼

伏翼西洞送人

陳羽

洞裏春晴花正開
看花出洞幾時回
殷勤好去武陵客
莫引世人相邀來

焚書坑

竇胥卿

竹帛煙消帝業虛
關河空鎖祖龍居
坑灰未冷山東亂
劉項元來不讀書

訪隱者不遇

竇友封

籬外涓涓澗水流
橫花半照夕陽收
欲題名字知相訪
又恐芭蕉不耐秋

宮中詞

王仲初

金吾除夜進讎名
畫袴朱衣四隊行
院燒燈如白日
沉香火底坐吹笙

樹頭樹底見殘紅
一片西飛一片東
白元桃花貪結子
錯教人恨五更風

金殿當頭紫閣重
仙人掌上玉芙蓉
太平天子朝元日
五色雲車駕六龍

綺繡宮

玉樓傾側粉牆空
重疊青山繞故宮
武帝去來紅袖盡
野花黃蝶領春風

秋思

張文昌

洛陽城裏見秋風
欲作家書意萬重
復恐匆匆說不盡
行人臨發又開封

感春

遠客悠悠任病身
誰家池上又逢春
明年各自東西去
此地看花是別人

烏衣巷

朱雀橋邊野草花，烏衣巷口夕陽斜。
舊時王謝堂前燕，飛入尋常百姓家。

石頭城

山圍故國周，遭逢在朝打空城。
寂寞回淮水，東邊舊時月夜深還過女牆來。

聽舊宮人穆氏歌

曾隨織女渡天河，記得雲間第一歌。
休唱貞元供奉曲，當時朝士已無多。

登樂遊原

杜牧之

長空澹澹孤鳥沒，萬古銷沉此水蒼。
君看漢家何似業，五陵無樹起秋風。

漢江

溶溶漾漾白鷗飛
綠淨春深好染衣
南浦北來人自老
夕陽長送釣船歸

赤壁

折戟沉沙鐵未銷
自將磨洗認前朝
東風不與周郎便
銅雀春深鎖二喬

宮怨

監宮引出苑
開門隨例雖朝
不是恩銀鑰
却收金鎖合
月明花落又黃昏

送隱者

無媒徑路草蕭蕭
自古雲林遠市朝
公道世間惟白髮
貴人頭上不曾饒

宮詞

李義山

君恩如水向東流
得寵憂移失寵愁
莫向尊前奏花落
涼風只

在殿西頭

江南春

千里鶯啼綠映紅
水村山郭酒旗風
南朝四百八十寺
多少樓臺煙雨中

懷吳中馮秀才

長洲苑外草蕭蕭
却算遊程歲月遙
唯有別時今不忘
暮煙秋雨過楓橋

華清宮

杜常

行盡江南數日程
曉風殘月入華清
朝元閣上西風急
都入長楊作雨聲

詞

送元史君自楚移越

劉子夏

露冕行春向若耶
野人懷惠欲移家
東風二月淮陰郡
只見棠梨一樹花

題鶴林寺

李涉

終日昏昏醉夢間
忽聞春盡強登山
因過竹院逢僧話
又得浮生半日閑

過南鄰花園

雍國鈞

莫怪頻過有酒家
多情長是惜年華
春風堪賞還堪恨
纔見開花又落花

宿嘉陵驛

離思茫茫正值秋
每因風景却生愁
今宵難作刀州夢
月色江聲共一樓

寄襄陽章孝孫

青油幕下白雲邊
白日空山夜夜泉
聞說小齋多野意
枳花陰裏麝香眠

秋思

許用晦

樹西風挑簾秋楚雲湘水憶同遊高歌一曲掩明鏡昨日少
今白頭

曲江春望

唐彥謙

杏艷桃嬌奪晚霞樂遊無廟有年華漢朝冠蓋皆陵墓十里宜
春下苑花

丹陽送韋參軍

嚴正文

丹陽郭裏送行舟一別心知兩地秋日晚江南望江北寒鴉飛
盡水悠悠

旅懷

杜荀鶴

月華星彩坐來收嶽色江聲暗結愁半夜燈前十年事一時和
雨到心頭

南莊春晚

李文山

草暖沙長望去舟微茫煙浪向巴丘沅湘寂寂春歸盡水綠蘋

香人自愁

十日菊

鄒守惠

節去蜂愁蝶不知曉庭還繞折殘枝自緣今日人心別未必秋
香一夜衰

寄維陽故人

張喬

離別河邊綰柳條千山萬水王人遙月明記得相尋處城鎖東
風十五橋

宿杭州虛白堂

李鄴

秋月斜明虛白堂寒蛩唧唧樹蒼蒼江風微曉不得寐二十五
聲秋點長

晴景

王大用

雨前初見花間葉雨後全無葉底花蛺蝶那來過牆去却疑春
色在鄰家

重贈商玲瓏兼寄樂天

元微之

休遣玲瓏唱我辭
我辭多是寄君詩
明朝又向江頭別
月落潮平是去時

經汾陽舊宅

趙承祐

門前不改舊山河
破虜曾輕馬伏波
今日獨經歌舞地
古槐疎冷夕陽多

老圃堂

薛大拙

邵平瓜地接吾廬
穀雨乾時偶自鋤
昨日春風數木在
就床吹落讀殘書

偶興

羅隱

逐隊隨行二十春
曲江池畔逐車塵
如今贏得將衰老
閑看人間得意人

三月晦日贈劉評事

賈浪仙

三月正當三十日風光別我苦
鐘猶是春

已亥歲

曹松

澤國江山入戰圖
生民何計樂樵蘇
憑君莫話封侯事
一將功成萬骨枯

賈生

劉言

宣室求賢訪逐臣
賈生才調更無倫
可憐夜半虛前席
不問蒼生問鬼神

春

高蟾

明月斷魂清藹藹
年無歸路綠迢迢
人生莫遣頭如雪
縱得春風亦不消

繡嶺宮

李長江

春草萋萋春水綠
野棠開盡飄香玉
繡嶺宮前鶴髮翁
猶唱開

元太平曲

清明

宋王元之

無花無酒過清明
興味蕭然似野僧
昨日鄰家乞新火
曉窻分與讀書燈

泊舟

蘇子美

春陰野草青青時
有幽花一樹明
晚泊孤舟古祠下
滿川風雨看潮生

書河上亭壁

寇平仲

暮天寥落凍雲垂
望危亭欲下遲
臨水數村誰畫得
淺山寒雪未銷時

自作壽堂因作一絕誌之

林君復

湖外青山對結廬
前脩竹亦蕭疎
茂陵它日求遺藥
猶喜曾無封禪書

樵者

歐陽永叔

雲際依依認舊林
斷崖荒磴路難尋
西山望見朝來雨
南澗歸時渡處深

杏花

王介甫

垂楊一逕紫苔封
人語蕭蕭院落中
獨有杏花如喚客
倚牆斜出數枝紅

偶成

程明道

雲淡風輕近午天
望花隨柳過前川
旁人_{不識}予心樂_{將謂}偷閑學少年

中秋月

蘇子瞻

暮雲收盡溢清寒
銀漢無聲轉玉盤
此生此夜不長好
明月明年何處看

召試學士院

王欽臣

翠木陰陰白玉堂長年來此試文章
日斜奏罷長楊賦閒拂塵埃看畫墻

宣州後堂壁

張文潛

過雨山亭暑氣微老人猶未試生衣
滿園閑綠無人到盡日南風燕子飛

武夷棹歌

朱晦庵

武夷山上有仙靈山下寒流曲曲清
欲識箇中奇絕處棹歌閑聽雨三聲

一曲溪邊上釣船慢亭峯影蘸晴川
虹橋一斷無消息萬壑千巖鎖翠煙

二曲亭亭玉女峯插花臨水爲誰容
道人復荒臺夢興入前山翠幾重

三曲君看架壑船不知停櫂幾何年
桑田海水今如許泡沫風

燈敢自憐

四曲東西兩石巖巖花垂露碧氍毹金雞叫罷無人見月滿空

山水滿潭

五曲山高雲氣深長時煙雨暗平林林間有客無人識款乃聲

中萬古心

六曲蒼屏遶碧灣茅茨終日掩柴關客來倚櫂巖花落猿鳥不

驚春苔闌

七曲移船上碧灘隱屏仙掌更回看人言此處無佳景只有石

堂空翠寒

八曲風煙勢欲開鼓樓巖下水縈回莫言此處無佳景自是遊

人不上來

九曲將窮眼豁然桑麻雨露見平川漁郎更覓桃源路除是入

間別有天

銅雀瓦

元劉夢詩

諸侯負漢已堪憐
直筆何爲亦魏編
却愛曹瞞臺上瓦
至今猶

曰南感懷

陳剛中

老母粵南垂白髮
病妻燕北待黃昏
蠻烟瘴雨交州客
三處相思一夢魂

絕句

趙子昂

春寒測測掩重門
金鴨香殘火向溫
燕子不來花又落
一庭風雨自黃昏

午枕花前簟欲流
日催紅影上簾鉤
窺人鳥喚悠揚夢
隔水山供宛轉愁

庭槐風靜午陰多
睡起西窗日影過
自笑老來無復夢
閑看行蟻上南柯

吟人

聯賓

吟人瘦倚曲闌干酒醒香銷午夢殘燕子不來春社去一簾疎雨杏花寒

題陶淵明像

鄧善之

詩中甲子春秋筆籬下黃花雨露枝便向斜川頻載酒風光不似義熙時

以瓊扇一握奉致黃明府

莊德機

拾得炎州月一團殷勤持贈比琅玕情知已是秋風後留作明年九夏寒

題鄭子真畫像

楊仲弘

躬耕谷口襟緇民寧肯懷金媚賊臣揚子解言如許事不知孰

送王黨長

虞伯生

春兩人參長紫苗縣庭無事坐終朝俯看雲氣千山表野有漁
田市有譌

御溝春日偶成

馬伯庸

御溝流水曉潺潺直似長蛇曲似環流出宮牆纔咫尺便分天
上與人間

陳平章席上題琵琶亭

龍觀復

老大蛾眉負所天空將遺恨寄哀絃夜深正好看明月却抱琵
琶過別船

題青山白雲圖

黃晉卿

十年失脚走京塵忘却青山與白雲忽見畫圖疑是夢冷花涼
葉思紛紛

宮詞

薩天錫

清夜宮車出建章紫衣小隊兩三行曲闌千外銀燈過照見芙

蓉葉上霜

楊柳樓心月滿床錦屏綉褥夜生香不知門外春多少半醉移燈看海棠

絕句

泰康善詞

綉簾鉤月夜生涼花霧陰陰入書堂吹徹玉簫人未寢更添新火試沉香

金吾列侍擁旌旄五色雲深雉尾高視草詞臣方退食內官傳勅賜蒲萄

南歸偶書

余廷心

帝城南下望江城此去鄉關半月程同向春風折楊柳一般離別兩般情

二月不歸三月歸已將行篋捲征衣殷勤爲報家園樹緩緩開花緩緩飛

題淵明小像

貢泰甫

竹杖芒鞋白鹿裘山中甲子幾春秋呼童點檢門前柳莫放飛
花過石頭

題徽宗畫桡子白頭翁

成廷珪

桡子紅時人正愁故宮衰草不勝秋西風吹落青城月啼得山
禽也白頭

春夜

酒兵無力破愁城春盡空山社宇聲敲缺唾壺眠不得半簾花
影月三更

畫梅

王元章

我家洗硯池頭樹箇箇花開淡墨痕不要人誇好顏色只留清
氣滿乾坤

題枯松寒禽

洪武詹同文

王母宴歸西海上空留青鳥羽
參差黃雲苦竹江南雪獨立寒
條歲晚時

南京別王道士

危太樸

秦淮卧病惜春陰訪問深知故
舊心千里家鄉新投老雲山爍
爍許相尋

過南湖折藕花

吳子立

秋日南湖戲采蓮驚鷗飛上水
蘭船一聲白紵知何處無復閒
情似少年

芙蓉野鴨圖

顧利賓

欲采芙蓉寄遠情秋風江上鷗
鷺城閒愁總付東流水來看鳬
鷺弄晚晴

題山居圖

鄭叔曾

杜陵西上浣花莊茅屋低低在
石傍最是可人三月斷一山春

雨後吟香

觀剝棗

楊孟載

朱甯離離雨更新行人駭剝走荆榛我來不忍臨風食爲憶當時種樹人

將赴金陵始出閶門夜泊

高季迪

烏啼霜月夜寥寥回首離城尚未遙正是思家起頭夜遠鍾孤掉宿楓橋

煙月籠沙客未眠歌聲燈火酒家前如何纔出閶門宿已似秦淮夜泊船

漫興

張孟兼

梨花半開夜雨催無奈李花如雪堆門前美人不見來東風揚柳吹千迴

過渭門亂石灘

鄒九思

亂石波心一道開
奔衝不得少縈迴
篙人盡說舟行險
未救難塘艷瀕堆

輕棹歸經亂石灘
森林劍戟立江干
狂瀾百折從天瀉
到此方知行路難

聯句詩

聯句

晉陶淵明

鳴鴈乘風飛去去
當何極念彼窮居士
如何不歎息淵明雖欲
騰九萬扶搖竟何力
遠招王子喬雲駕庶可飭情之顧侶正徘徊
離群翔天側霜露豈不切
務從忘愛翼指之高柯濯條幹遠
眺同天色思絕慶未看
徒使生迷惑淵明

夏夜李尚書廷選守文石首赴縣

唐杜子美

愛客尚書重之官宅
相賢甫酒香傾坐側
帆影駐江邊之芳宅
表郎官瑞晃看令宰
仙或雨稀雲葉斷
夜久燭花偏數語歛

紗帽高文擲絲綫之芳興饒行處樂離惜醉中眠或單父長多暇河陽實少年南客居逢自出爲別幾凄然之芳

城南聯句

韓退之孟東野

竹影金瑱碎郊泉音玉琮瑤璃翦木葉愈翳翠開園英流滑隨仄步郊搜尋得深行遙岑出寸碧愈遠目增雙明乾穠紛挂地郊化蟲枯揭莖木腐或垂耳愈草珠競駢睛浮虛有新斷郊摧扨饒孤撐囚飛黏網動愈盜啁接彈驚脫實自開圻郊牽柔誰繞榮禮鼠拱而立愈駭牛躅且鳴號甲喜臨社郊田毛樂寬征露螢不自暖愈凍蝶尚思輕宿羽有先曉郊食鱗時坐橫菱翻紫角利愈荷折碧圓傾甃臙鱣鮪亂郊獮羶螺螄并桑螵見虛指愈穴狸聞闔窸逗騎翅相築郊擺幽尾交榜蔓涎角出縮愈樹啄頭敲鏗脩箭裏金鉅郊群鮮沸池蒸岸殼圻玄兆愈野庭漸豐萌室煙羃疏島郊沙篆印迴平庠肌遭耗刺愈啾耳聞

鷄生奇處恣迴轉，如跋蹄縱逢迎巔林最遠曉。愈縹氣裏空情
歸跡歸不得，如捨心捨還爭靈麻撮狗虱。愈村稚啼禽猩紅皴
驪簷瓦，如黃團繫門衡得倚螭虎健。愈相殘雀豹趨束枯樵指
禿，如刈熟擔肩頽。縱旋皮卷而愈苦，開腹彭亨機春潺湲力。如
吹簫飄飄精賽饌，木盤殘愈數妖滕索絢荒學五六卷。如古藏
四三坐里儒拳足拜，愈土怪閃眸偵蹄道補復破。如絲窠掃還
成暮堂，蝙蝠沸愈破。龜伊威盈追此訊前主，如荅云皆冢卿敗
壁剝寒月，愈折筮蕭蕭遺莖。桂熏霏霏在，如茶跡微微呈。劍石猶
竦檻，愈獸材尚擎楹寶唾拾未盡。如玉啼墮猶鎗臆綃疑閔，豔
愈粧爛已銷榮。綠髮抽珉甃，如青膚登瑤榭。白蛾飛舞地，愈幽蠹
落書棚。惟惜集嘉詠，如吐芳類鳴嚶窺奇摘。海異愈恣韻激天
鯨腸胃繞萬象，如精神驅五丘。蜀雄李杜拔，愈嶽力雷車轟大
句。幹玄造如高言，軋霄嶽。如端韓寒燠愈神助，溢盈觥三細各

乘運也。端園亦騰聲菱花咀粉藥。郊荆縷穿珠櫻綺語洗晴雪。愈
嬌辭弄雛鷺西歌雜弁珥。郊繁價流金瓊齒寫江調。郊養姝
綴藍瑛。庖霜鱸玄鮒。愈折玉炊香。頓朝饌已百態。郊春醪又千
名哀苑。感賦景愈。刈唱凝餘晶。解魄不自主。郊痺肌坐空。瞠扳
援賤謨。絕愈炫曜仙。選更蕤巧競。揀笑郊駢鮮。互探嬰桑變。忽
蕤蔓愈。樟裁浪登平霞。關詎能極郊。風期誰復賡。臯區扶帝壤
愈。環藟郁天京。祥色被文彥。郊良才挿杉。櫟隱伏饒氣象。愈興
潛示堆坑。翠華露神物。郊擁終儲地。禎舒謨壯締。始愈輔弼登
階清。空秀恣填塞。郊吁雷蓄滄澄。益大聯漢魏。愈肇初邁周。羸
積照涵德。鏡郊傳經儼。金觥食家行。鼎鼎愈寵族。飫弓旌弈制
盡從賜。郊殊私得逾程。飛橋上架漢。愈練岸俯規。瀛瀛碧還輪
委郊。湖嵌費擣擎。薔薇從大漢。愈楓櫨至南荆。嘉植鮮危朽。郊
膏理易滋。榮懸佳巧。紅翠愈。象面善黃。昨魚口星浮沒。郊馬毛

錦班駢五方亂風土愈百種分鉏耕花藥相妬出郊菲昔共舒
情類招臻個詭愈翼萃伏吟纓危望跨飛動郊冥升躡空閑春
游輾靡愈彩伴颺娉嬈遺灤飄的樂郊淑顏洞精誠城應如
在寤愈頽意若含醒端毳翔衣帶郊鵝肪截佩璜文昇相照灼
愈武勝屠挽搶割錦不酬價郊構器有高營通波初鱗介疏晚
富蕭衛買養馴孔翌郊遠苞樹蕉枿鳴頭排刺芡愈鵠鵠攢環
橙鶩廣雜良牧郊蒙休賴先盟罷旄奉環衛愈守封踐忠貞戰
服脫明介郊朝冠飄彩絃酌勳逮儻隸愈簪笏自懷繡乳下秀
疑疑郊椒藩泣嗶嗶貌鑑清溢匣愈眸光寒發硯館儒養經史
郊綴臧觴孫甥考鍾饋肴核愈蔓鼓侑牢牲飛膳自北下郊丞
珍極東烹如瓜煮大卵愈比線茹芳菁海嶽錯口腹郊趙燕錫
媼姪一笑釋仇恨愈百金交弟兄貨至貊戎市郊呼傳鸚鵡令
順居無思瞰愈抑橫免官評殺候肆凌弱郊籠原市置絃羽空

顛狂鷗愈血路迸孤鷹折足去踉蹌威響怒豎髮躍犬疾翥鳥
愈呀鷹甚飢重筭蹄記功賞郊裂腦擒控張猛斃牛馬樂愈妖
殘梟鵠傳寶禽真視郊箭出方驚抨連箱載已實愈礙轍棄
仍羸喘颯鋒刃點郊困衝株杙盲掃淨豁曠曠愈騁遙路莘莘
饒叔飽活壽郊惡嚼嚼腥歲律及郊至愈古音命韶猷旗旆
流日月郊帳廬扶棟薈落奠鴻壁愈參差席香奠玄祗祉兆
姓郊黑拒饒豐盛慶流蠲瘥瘍愈威暢捐輶輶靈燔望高罔郊
龍駕開敲臚是惟禮之盛愈永用表其宏德孕厚生植郊恩熙
完刑剝宅土盡華族愈運田閒強旺蔭庾森嶺檜郊咏場颯祥
鳴畦肥翦韭薤愈陶固收盆甕利養積餘健郊孝思事嚴枋掘
雲破喘嶼愈採月漉坳泓寺砌上明鏡郊僧盂敲曉鉦泥像對
騁怪愈鐵鐘孤春鏗癭頸鬧鳩鵲郊蛻垣亂蛛蝶甚黑老蚕蠟
愈麥黃韻鸚鵡韶曙遲勝賞郊賢朋戎先庚馳門填偏不愈競

豎輾冰碎碎纈紅滿杏郊稠疑碧浮錫臧繩覲娥婺愈闢草櫛
璣理粉汗澤廣額郊金星墮連璣鼻偷困淑郁愈眼剽強眈眈
是節飽顏色郊茲疆稱都城書饒罄魚鱸愈紀盛播琴箏矣必
事遠覲郊無端逐羈僦將身親烟魅愈浮跡侶鷗鵲胆味空真
屈郊天年徒羨彭驚魂見蛇蚺愈觸嗅值蝦蟇幸得屨中氣郊
黍從拂天棖歸私暫休暇愈驅明出庠鑿鮮蕙疎輕暢郊連輝
照瓊瑩陶曉逐風乙愈躍視舞晴蜻足勝自多諧郊心貪蔽無
勃始知樂名教愈何用苦拘憊畢景任詩趣郊焉能守磴磴愈

闢雞聯句

同

大雞昂然來小雞竦而待愈嶙嶙顛盛氣洗刷凝鮮彩郊高行
若矜豪側睨如同殆愈精光目相射劒戟心獨在郊旣取冠爲
胄復以距爲鉞天時得清寒地利拔爽塏愈磔毛各噉弄怒癭
爭颺磊俄膺忽爾低植立瞥而改郊膈膊戰聲喧續翻若羽睚

中休事未決小挫勢益倍愈如腸務生敵賊性專相醢裂血失
鳴聲啄穀甚飢餒刻對起何急驚隨旋誠巧給毒手飽李陽神
槌困朱亥愈惻心我以仁碎首爾何罪獨勝事有然旁驚汗流
浼却知雄欣動顏怯負愁看賄爭觀雲填道助叫波翻海愈事
瓜深難解噴晴時未急一噴一醒然再接再礪乃却頭垂碎丹
砂翼搗拖錦綵軒昂尚賈餘清厲比歸凱愈選俊感收毛受恩
慙始隄英心甘關死義肉恥庖宰君看闔雞篇短韻有可採郊

風琴聯句

謝希深

梅聖俞

宋謝希深

竅竹漏天風張絃擬嶧桐佳名從此得妙響未曾窮希深夜靜
危臺上人閑皎月中依依聽不足秋露滿蘭叢聖俞

病栢聯句

洪武高季迪

與青城杜寅郊郡徐貫遊白蓮寺見病栢而作
抱負雖輪囷託根何坎壈寅死色見已深生意存猶頗老栢

焦半身餘葉禿偏髻貴恩謝漢陵春灾非陸渾火寅柯傾痺待
扶節漏瘡思累啓下嶷封虺蜥上穴綴螺贏貴風欺聲告哀雨
冒汗憎顙寅蟄空虺喜容攀脆揀愁墮啓將斷豈中梁欲劓詎
宜舸貴蓋瘁缺青葱梢枯辭猗猗寅之子供爐焚無陰庇牀坐
啓蠹盡啄鳥飢巢傾躋離跛貴臞形慘若兀突腹腫如果寅藤
纏偶假粧薛剝每慙裸啓主惜覲匠顧樵窺避僧邏貴土瘠力
易衰岩危勢難安寅殺懼苦霜仍蠶期甘露可啓成器未為福
不材反遁禍貴依林尚支撐亞石猶磊砢寅閱歲失貞姿承陽
愧纖朶啓擢華孔語稱名負杜吟播貴敢要秦樹封孰效禹梅
鎖虫蟠深漫欲踞架重窳堪荷寅氣同生固均數異測驗巨貴
膏乾熱不明眉墜掃還夥寅客伶弔賦悲僮棄培功情啓終護
竟煩誰貴今看幸遭我寅

雜詩

三五七言懷友

唐李太白

秋風清秋月明落葉聚還散寒鴉棲復驚相思相見知何日此時此夜難爲情

首尾吟

宋邵堯夫

堯夫非是愛吟詩詩是精神未耗時水竹清幽都占了鶯花富貴又兼之梧桐月向懷中照楊柳風來面上吹彼有許多閑捧擁堯夫非是愛吟詩

集句

王介甫

戲贈湛源

恰有三百青銅錢憑君爲算小行年坐中亦有江南客自斷此生休問天

與北山道人

可惜昂藏一丈夫生來不讀半行書子雲識字終投閣幸是元
無免破除

示蔡天啓

身著青衫騎白馬日馳三百尚嫌遲心源落落堪爲將却是君
王未備知

送吳顯道

五湖大浪如銀山問君西遊何當還以手撫膺坐長歎空手無
金行路難丈夫意有在吾徒且加餐屏風九疊雲錦長千峯如
連環上有橫河斷海之浮雲可望不可攀飛空結樓臺動影竒
兎冲融間沛然乘天遊下看塵世悲人寰泊舟潯陽郭去去翔
廖廓君今幸未成老翁衰老不復如今樂

星名二十八宿歌贈晁無咎

黃魯直

虎剝文章犀解角食未下九竒禍作藥材良氏淫新掘鑿蜂奪

力抱餽渴有心無心材慧死人言不如龜曳尾衛平哆口無南
箕斗柄指曰江使噫狐腋牛衣同一煖高丘無女甘獨宿虛名
挽人受實縶累基既危安處我室中疑塵散髮坐四壁蟲蟲見
天下奎蹄曲隈取脂澤婁猪艾豨彼何擇傾腸倒胃得相知買
日食昂終不疑古來畢命與金臺佩君一言等蒲鱗月沒參橫
惜相違秋風金井梧桐落故人過半在鬼錄柳枝贈君當馬策
歲晏星回觀盛德張弓射雉武且力白鷗之翼沒江波抽絃去
軫君謂何

人名和蕭十六

孔平仲

式微子歎歸期踈鐘皓月僧窗睡滿郭丹楓已送秋李白桃
紅春又至綠楊朱戶鎖娉婷燕趙臺矣誰相視紅顏回眎能溺
人有若大川無奈何曹操行薄雲天去險就平當擇地嚴君
平昔教諸子肯向贛江爲此事勸捐仁義縱歡娛力與主張興

發墜不才驪使酬杜詩兩管筆能言部志

郡名景呂元切

相人觀久遠嬰且親資貨酒酸本志甘編敗焉少密公家渭川
後端亮氣不屈藩少時顯士常安抗鶴舉優游歸孔聖坎壈笑
趙壹儻來等榮辱所造順勢仕道悶接談屑文房散書帙當其
泰定時海宇更無物耳目并已忘何心斷冕黻忽聞韶曲奏更
覺巴音失溫純比金王清越勝琴瑟似追少陵步真得建安骨
從今益儼厲及此舒長日唱酬安野同心欽但齋栗

藥名荊州卽事

黃魯直

四海無遠志一淚甘遂心牽牛建瓴瓦卧著桂枝陰前湖後湖
水初夏半夏涼夜闌鄉夢破一鴈度衡陽垂空青幕六一一排
風開石友常思我預知子能來幽閭泉石綠閉門聞啄木運柴
胡奴歸車前桂生鹿雨如覆盆來平地沒牛膝回望無夷陵天

南星斗濕

建除重贈徐天隱

建極臨萬邦稽古陛下聖除書日下有耳家相慶滿意見升
平父老扶杖聽平生所傳聞似仁祖德性定鼎百世長彙弓四
夷靜執事當在朝官冷殊未稱破帽風歔歔簡易不騎象危顛
相扶持泉石共嘲詠成樂澗中何傲世似未敬收潦下秋船期
公拜嘉命開元正觀事身得見金盛閉門長蓬蒿或許老夫病

八音荅黃魯直

晁無咎

金蘭況同心莫樂新相知石田罹清霜念此百草腓絲看煮繭
吐士聽憤排語竹馬非妙齡美人恐遲暮匏繫魯東家今君上
天涯土膏待陽瘳氣至如咄嗟革薄不可郭士迫下流惡木無
松柏心竭處蟻蟻託

藥名離合

孔平仲

草滿南園綠青青復間紅花開不擇地錦繡逕相通
凝寒飲一石蜜液和巖桂心渴望天南星河繁垂地
參旗挂綵木通夕涼如水銀漢耿半天河橋暝煙紫
雪片擁顏垣衣裘冷如甲香醪不滿榼膝枕欹殘臍

回紋泊鴈

王介甫

泊鴈鳴深渚收霞落晚川杵隨風斂陣樓映月低絃漠漠汀帆
轉幽幽岸火然壑危通細路溝曲繞平明

五雜組

孔平仲

五雜組垂衮衮往復來就渠湯不獲已前朝更商
五雜組花木春往復來江湖人不按已議和親
五雜組錦繡段往復來隨陽鴈不獲已猶仕宦
五雜組朝霞明往復來車馬行不獲已方用兵

了語不了語

蘇子美

公餗欲成忽覆鼎銀鉶汲絕還沉并乳虎咆哮落深井清輝一
揮斷入頸 石了語

無言以手尋珮環寒暑迷運凋朱顏八駿踏地幾時徧六龍駕
曰何年開 石不了語

難易言

擬把鉛刀伐丹桂欲坐智井攀青天排羅嬰兒拒爐虎未若以
道平貴權 右難

地上拾芥亦細碎掌裏數文猶澄茅脫使摘九下峻坡未若以
財而發身 右易

一字至十字詠竹

文與可

竹竹森寒潔綠湘江濱渭水曲惟翠錦戈矛蒼玉心虛異衆
草節勁踰凡木化龍杖入仙陂呼鳳律鳴神谷月娥巾帔靜弄
弄風女笙等清瑟寂然聞飲酒醉臥搖鐵石上圍棋輕陰覆局

桓夫夫逐去徒兒。蘭因先生歸。不但尋松菊。若論檀藥之操。無敵於君。欲國禱。麗之空。民賢於世。

讀十二系詩卷。授其餘。作此。

朱晦庵

夜聞空簾。飢鼠曉驚。牛耕廢園。時才虎。圈聽豪。岑。舊業兒。園。嗟。弄。園。君。看。蟹。龍。三。冬。頭。角。不。與。蛇。爭。雄。毀。車。殺。馬。罷。馳。逐。烹。羊。沽。酒。聊。從。容。手。種。桃。垂。架。綠。發。得。鷄。鳴。角。角。客。來。狗。吠。催。煮。茶。不。用。東。家。買。猪。肉。

四禽言

梅聖俞

泥滑滑。苦竹園。雨蕭蕭。馬上郎。馬蹄凌兢雨。又急。此鳥為君應。斷腸。○窈窕。焦兒。不食爾。父向何之。爾母山頭化。為石。石頭化。石可奈何。遂作微禽。啼不息。○提胡。盧。酒。風。為。膏。福。為。友。山。花。撩。亂。目。前。開。勸。爾。今。朝。千。萬。壽。○不。如。歸。去。春。山。暮。萬。木。今。參。天。蜀。天。今。何。處。人。言。有。翼。可。歸。飛。安。用。空。勝。向。高。樹。

又

蘇子瞻

南山昨夜雨西溪不可渡溪邊有穀鳴勸我脫布襦不辭脫
溪水寒水中照見催租瘢○去年麥不熟挾彈規我肉今年麥
上場處處有殘粟豐年無象何處尋聽取林間快活吟○力作
力作蠶絲一百箱塢上麥頭昂林間桑子落願糞一箔千兩絲
纔絲得蛹飼爾雛○姑惡姑惡姑不惡妾命薄君不見東海孝
婦死作三年乾不如漢龐姑婦去却復還

五禽書和王仲衡尚書

朱晦庵

提葫蘆沽美酒春風浩蕩吹花柳不用沙頭雙玉瓶鳥歌蝶舞
爲君壽祇今一醉是君恩昨日之愁愁殺人○不如歸去孤城
越絕三春暮故山只在白雲間望極雲深不知處不如歸去不
如歸千仞岡頭一振衣○泥滑滑泥滑滑秦望雲荒鏡湖闌綠
秧刺水水拍堤牙旗盡舸凌風發使君行樂三江頭泥滑水深

君莫憂○脫袴脫袴棄棄陰陰牆下路回頭忽憶舍中妻去年
已逐他入去舊袴脫了却不辭新袴知教阿誰做○麥熟吟去
年糧麥有德音種今種熟誰快活仁者已卧官牆陰仁公有政
惠存歿肯使俸租更感突

四禽言

元梁棟

不如歸去錦官宮殿迷煙樹天津橋上一兩聲叫破中原無住
處不如歸去○行不得也哥哥湖南湖北春水多九疑山前叫
虞舜奈此乾坤無路何行不得也哥哥○脫却布袴貧家能有
幾尺布閑機織盡無得裁可人不來康叔度脫却布袴○提壺
盧提壺盧今年酒賤頻頻沽衆人皆醉我亦醉哀哉誰問醒三
閭提壺盧提壺盧

文章辨體卷之五

外集

海虞後學 吳訥編集

近代詞曲

菩薩蠻

唐李太白

平林漠漠煙如織，寒山一帶傷心碧。
暝色入高樓，有人樓上愁。
○玉階空佇立，宿鳥歸飛急。
何處是歸程，長亭連短亭。

錦纏道

宋宋子京

燕子呢喃，景色乍長春。
舊園林，萬花如錦，海棠經雨，胭脂透。
柳展宮眉，翠拂行人首。
○向郊原，踏青恣歌，攜手醉醺醺，尚尋芳酒。
問牧童，遙指孤村道，杏花深處，那裏人家有。

漁家傲

范希文

塞下秋來風景異，衡陽鴈去無留意。
四面邊聲連角起，千嶂裏，長煙落日孤城閉。
○濁酒一杯家萬里，燕然未勒歸無計。
羌管

悠悠霜滿地人不寐將軍白髮征夫淚

浪淘沙懷舊

歐陽永叔

把酒祝東風且共從容垂楊紫陌洛城東總是當年攜手處遊
遍芳叢○聚散苦匆匆此根無窮今年花勝去年紅可惜明年
花更好知與誰同

桂枝香懷遠

王介甫

登臨送目正故國晚秋天氣初霜漸灑澄江似練翠峰如簇征
帆去棹殘陽裏背西風酒旗斜矗綠冉冉雲淡星河隔起圖畫難
疑○念自昔豪華競逐恨閒外興亡悲恨相續千古憑高對北
望嗟榮辱六朝舊事隨流水但寒煙衰草凝綠至今商女時時
尚歌後庭遺曲

水調歌頭中秋

蘇子瞻

明月幾時有把酒問青天不知天上宮闕今夕是何年我欲乘

風歸去唯恐瓊樓玉宇高處不勝寒起舞弄清影何似在人間
○轉朱閣低綺戶照無眠不應有恨何事長向別時圓人有悲
歡離合月有陰晴圓缺此事古難全但願人長久千里共嬋娟

南鄉子 九日

霜降水痕收殘碧黯黯露遠洲酒力漸消風力軟颼颼破帽多
情却戀頭○詩酒若爲酬但把清樽斷送秋萬事到頭都是夢
休休明日黃花蝶也愁

念奴嬌 赤壁懷古

大江東去浪淘盡千古風流人物故壘西邊人道是三國周郎
赤壁亂石穿空驚濤拍岸捲起千堆雪江山如畫一時多少豪
傑○遙想公瑾當年小喬初嫁了雄姿英發羽扇綸巾談笑間
檣櫓灰飛煙滅故國神遊多情應笑我早生華髮人生如夢一
樽還酹江月

蝶戀花 離別

春事闌珊芳草歇。客裏韶光，又過清明節。小院黃昏人意別。落紅處、聞啼鴉。○咫尺江山分楚越。目斷魂銷，應是音塵絕。夢破五更心欲折。角聲吹落桐花月。

滿庭芳 自嘆

蝸角虛名，蠅頭微利，算來著甚千忙事。皆前定，誰弱又誰強。且趁閑身未老，儘教我些子疎狂。百年裏，渾放是醉三萬六千場。○思量能幾許。憂愁風雨，一半相妨。又何須抵死，說短論長。幸對清風皎月，意猶展、雲幙高張。江南好，千鐘美酒，一曲滿庭芳。

水調歌頭

春行

黃山谷

瑤草一何碧。春入武陵溪。溪上桃花無數，花上有黃鸝。我欲穿花尋路，直入白雲深處，浩氣展虹霓。祇恐花深裏，紅露濕人衣。○坐白石，弄玄樹，拂金徽。謫仙何處無人伴，我白螺盃。我爲靈

芝仙草不爲朱唇丹臉長嘯亦何爲醉舞下山去明月逐人歸

瑞鶴仙 醉翁亭

環滁皆山也望蔚然深秀琅邪山也山行六七里有翼然泉上
醉翁亭也翁之意也得之心寓之酒也更野芳佳木風高石出
泉無窮也○游也山肴野蔌酒洌泉香沸觥籌也太守醉也
謔衆賓歡也况宴之樂非絲非竹太守樂其樂也問當時太守
謂誰醉翁是也

西江月 勸酒

幽遶一生唯有破除萬事無過遠山橫黛蘸秋波不飲傍人笑
我○花病等閑瘦弱春愁沒處遮欄盈行到手莫留殘不道月
斜人散

踏莎行 賞春

臨水天桃倚牆繁李長楊風掠青驄尾坐中有酒可酬春更尋

何處無愁地○明日重來落花如綺芭蕉新著山公啓欲殘心
事寄天公教人長壽花前醉

西江月 警世

朱希真

世事短如春夢人情薄似秋雲不須計較苦勞心萬事元來有
命○辛遇三杯酒美況逢一朵花新片時歡笑且相親明日陰
晴未定

孤鸞 早梅

天然標格是小萼堆紅芳姿凝白淡矜新粧淺點壽陽宮額東
君想留厚意倩年年與傳消息昨夜前村雪裏有一枝先辦○
念故人何處水雲隔縱驛使相尋難寄春色試問丹青幾處
描得曉來一箇雨過更那堪數聲羌笛歸去和羹未晚勸行人
休摘

青玉案 霞

陳瑩中

知今夕何夕

蝶戀花

辛卯安

誰向椒盤簪綵勝。整整朝華。上春風。質。日不堪重記。曾爲
花長。知新春恨。○春未來時。先借問。脫恨開遲。早又飄零近。金
歲花期。消息定。只愁風雨無憑準。

沁園春

退閒

三徑初成。鶴怨猿驚。稼軒未來。甚雲山自許。平生意氣。衣冠人
疾。抵死塵埃。意倦須還。身閑要早。豈爲尋義。鱸。繪哉。秋江上看
鷺。弦鴈。避鵝。浪船回。○東岡更葺茅齋。好都把軒窗臨水開。要
小舟行釣。先應種柳。疎籬護竹。莫礙觀梅。秋菊堪餐。春蘭可佩。
留待先生手自栽。沉吟久。怕君恩未許。此意徘徊。

水調歌頭

九月

韓無咎

今日我重九。莫負菊花開。試尋高處。攜手躡屐上。崔嵬放目蒼

蓬蒿仍雲變曉霜成陣知我與君來占寺倚脩竹飛檻絕纖埃
笑談間風滿座酒盈杯仙人跨海休問隨處是蓬萊落日平
原西望鼓角秋深悲淋瀝馬但荒臺細把茱萸看一醉且徘徊

天仙子

沈會宗

景物因人成勝概滿目更無塵可碍等閑簾幙小闌干衣未解
心先快明月清風如有待○誰信門前車馬隘別是人間閑世
界坐中無物不清涼山一帶水一泓流水白雲長自在

次袁機仲韻水調歌頭

朱梅庵

長記與君別丹鳳九重歸來故里愁思悵望渺難平今夕不
知何夕得共寒潭烟艇一英俯望明有酒徑須醉無事莫關情
○尋梅去疎竹外一枝橫與君吟弄風月端不負平生何處蕪
塵不到有箇江天如許爭肯換浮名只恐買山隱却要鍊丹成
用傅安道和朱希真梅詞韻

碧空黯淡同雲繞漸枕上風聲峭明透紗牕天欲曉珠簾纔轉
美人驚報一夜青山老○使君命客金樽倒正千里瓊瑤未經
掃欲壓江梅春信早十分農事滿城和氣管取來年好

滿江紅隱逸幽居

呂居仁

東里先生家何在
山陰溪曲對一川
平野數椽茅屋昨夜岡頭
新雨過門前流水清如玉抱小橋回合柳參天
搖新綠○疎籬下叢叢菊虛簷外蕭蕭竹嘆古今得失是非榮辱須信人生歸
去好世間萬事何時足問此青春醞酒何如今朝熟

蝶戀花警世

秦少游

鍾送黃昏鷄報曉昏曉相催世事何時了
萬苦千愁人自老春來依舊生芳草○忙處人多閑處少
閑處尤陰幾箇人知道獨上小樓雲杳杳天涯一點青山小

玉燭新

周美成

溪源新臘後見數朶江梅剪裁初就暈酥破玉芳英嫩故把春
心輕漏前村昨夜想弄月黃昏時候孤岸峭踈影橫斜淡香暗
沾襟袖①尊前賦與多才問嶺外風光故人知香壽陽謾闕終
不似照冰一枝清瘦風燭雨芳好亂插繁枝盈首須信是管無
情看看又奏

點絳脣

汪彥章

新月娟娟夜寒江靜山衙夢起來搔首梅影橫窗瘦①好箇霜
天閑却傳杯手君知否亂鴉啼後歸興濃如酒

念奴嬌洞庭

張千炯

洞庭青草近中秋更無一點風色玉界瑤田三萬頃著我扁舟
一葉素月分暉銀河共影表裏俱澄澈悠然心會妙處難與君
說①應念嶺海經年孤光自照肝肺皆小雪短髮蕭騷襟袖冷
穩泛滄浪空闊盡挹西江細傾北斗萬象爲賓客拈舷一笑不

臨風一笑問群芳誰是真香純白獨立無朋等只有姑射山頭
仙客絕艷誰憐貞心自保遯與塵緣隔天然殊勝不關風露冰
雪○應笑俗李麗桃無言翻引得狂蜂輕蝶爭似黃昏閑弄影
清淺一溪霜月畫角吹殘瑤臺夢斷直下成休歇綠陰青子莫
教容易披折

樂府杜牧之齊山詩作水調歌頭

江水浸雲影鴻鴈欲南飛攜壺結客何處空翠眇煙霜塵世難
逢一笑況有紫萸黃菊堪插滿頭歸風景今朝是身世昔人非
○酬佳節須酹酒莫相違人生如寄何事辛苦怨斜暉無盡今
來古往多少春花秋月那更有危機與問牛山客何必獨沾衣
沁園春題睢陽雙廟

文宋瑞

為子死孝為臣死忠死又何妨自光祿氣分士無全節君臣義
缺誰負剛腸罵賊睢陽受君許遠留得聲名萬古香後來者無

二公之擬百鍊之剛○人生翕歔云亡好烈烈轟轟做一場使
當時賣國甘心降虜受人唾罵安得流芳古廟幽沉遺容儼雅
枯木寒鴉幾夕陽郵亭下有英雄遇此子細思量

無俗念

元虞伯生

十年窗下見古今成敗幾多豪傑誰會誰能誰不濟故紙數行
明滅亂葉西風游絲春夢轉轉無休歇為他憔悴不知有甚干
涉○寥寥無住閑身盡虛空界一片中宵月雲去雲來無定相
月亦本無圓缺非色非空非心非佛教我如何說不妨跬步蟾
蜍飛上銀闕

附錄

渭城曲

唐王摩詰

渭城一曰陽關王維之所作也本送人使安西詩
彼遂被於歌

渭城朝雨泥輕塵客舍青青柳色新勸君更盡一杯酒西出陽關無故人

竹枝

劉夢得

竹枝本出於巴渝唐貞元中劉禹錫在沅湘以俚歌鄙陋乃依騷人九歌作竹枝新辭教里中兒歌之由是盛於貞元元和之間

白帝城頭春草生白鹽山下蜀江清南人上來歌一曲北人莫上動鄉情

日出三竿春霧消江頭蜀客駐蘭橈憑寄狂夫書一紙住在成都萬里橋

瞿塘嘈嘈十二灘此中道路古來難長恨人心不如水等閒平地起波瀾

楊柳青青江水平聞君江上唱歌聲東邊日出西邊雨道是無

晴還有晴

楊柳

白樂天

楊柳枝白居易洛中所製也

一樹春風萬萬枝嫩如黃金軟於絲永豐西角花園裏盡日無人屬阿誰

六么水調家家唱白雪梅花處處吹古歌舊曲君休聽聽取新翻楊柳枝

陶令門前四五樹亞夫營裏百千條何似東都正二月黃金枝映洛陽橋

葉含濃露如啼眼枝嫋輕風似舞腰小樹不禁攀折苦乞君留取雨三條

文章辨體卷之五

外集

蘇州府提調官同知盧忠

常熟縣知縣孟璉

儒學教諭謝紘

訓導諸倫

高旦

賁助義士劉攸 顧岳

趙謙 王玄

李南 魏祺

錢昌 周堂

徐慎 郁宗

湯智 張木

天順八年歲次甲申秋九月吉日海虞王濟刊

卷一百一十五